

Cu bista riba e siguiente Ciclo Olimpico

COA a reuni cu atleta di Natacion Artistico Kyra Hoevertsz

Cu e cambio di aña tras di lomba y e evaluacion di e Ciclo Olimpico anterior cla, a cambia e enfoke y a cuminsa prepara tur cos cu bista riba futuro y mas en particular aña 2025.

Den cuadro di esaki a sinta cu atleta elite Kyra Hoevertsz, cu den e Ciclo di Paris2024, a logra hopi bon resultado no solamente pa COA cu su duet partner y e team na Weganan Centro Americano



y del Caribe, pero tambe durante su participacion na diferente World Cups unda e la termina cu su miho prestacion como atleta “solo”, unda e la logra un di 7 luga den e rutina “free”.

Durante e reunion aki, a mira kico ta e plan pa cu entrenamiento y competencianan durante aña 2025, ademas di a combersa un poco riba e plannan pa futuro. E aspecto di “Long Term Athlete Devel-

opment” ta uno importante, specialmente den e caso cu un atleta manera Kyra, cu tin varios Ciclo Olimpico tras di lomba como atleta, y awor ta un dama hoben profesional cu mas ambicion den bida, y con esaki ta forma parti di su bida como atleta. Kyra lo participa na varios “World Cup” durante e prome mita di aña como atleta “solo”, y den proceso sigui prepara pa tur local futuro por trece p’e.

Heavyweight Britanico Tyson Fury ta anuncia retiro di boxeo atrobe, un luna despues di perde pelea contra Usyk

(AP)—Heavyweight Britanico Tyson Fury a retira for di boxeo—atrobe—un luna despues di perde un rematch cu Oleksandr Usyk di Ucrania.

Gury, 36, a anuncia e decision den un video corto publica riba su cuenta di Instagram ayera, cual a inclui un mensahe criptico. “Saludos tur hende, mi ta bay haci esaki cortico. Mi kier anuncia mi retiro for di boxeo,” Fury a bisa. “Mi a pasa bon, mi a encanta tur momento y mi ta bay laga boso cu esaki: Dick Turpin a bisti un mascara. Dios bendiciona tur hende, mi ta wak boso.”

No tabata claro pakico Fury a referi na Turpin, un ladron famoso na Inglatera den siglo 18. Fury no tabata contento cu e decision unanimo ora el a perde e rematch cu Usyk dia 21 di december na Saudi Arabia. Sinembargo, Usyk a logra hinca 179 mokete di su 423 den total (42%), mientras



cu Fury a logra 114 di su 509 mokete den total.

Fury a reconoce su eroran ora el a perde su prome pelea na Riyadh na mei den un decision dividi. Fanaticonan di boxeo tabata spera pa Fury bringa contra Anthony Joshua, un pelea cu tabata den

discusion pa varios aña pero awor ta mustra improbable.

Fury a anuncia su retiro prome caba, sinembargo, notablemente ora el a haci 34 aña na augustus 2022. Pero dos luna despues el a regresa pa bringa.

Na april 2022, e “Gypsy King” ya a sugeri cu e lo retira trempa despues di entrega un knockout contra Dillian Whyte cu un uppercut brutal dilanti mas di 94,000 fanatico na Wembley Stadium. Pero e nunca a haci esey y a gana dos pelea mas, contra Derek Chi-

sora y Francis Ngannou—un bringador di MMA cu a caba di haci su debut den boxeo—prome cu el a bay contra un bringador riba su nivel, esta Usyk.

E record di Fury ta 34-2-1, cu 24 KO. E perdida pa Usyk tabata e unico perdida den Fury su carera, cual a cuminsa na 2008 y a inclui un empate contra boxeador Mericano Deontay Wilder na 2018. Despues di gana e premio Male Fighter of the Year recientemente, Usyk a gradici Fury den su mesun manera humoroso. E dos a bira amigo y a papia di nan respet pa otro.

Promovedor di boxeo Frank Warren, ken a traha cu Fury, a conta BBC cu e no a papia cu Fury prome cu el a anuncia su retiro. “Si esey ta kico e kier haci, masha bon. El a haci tur cos e por. E probablemente ta e heavyweight Britanico mas miho di su generacion te awor,” Warren a conta BBC radio.

Trahando pa e bienestar di deporte na nivel di Regional

Nicole Hoevertsz nombra den e comision nan di PanamSports

Secretaria General di Comite Olimpico Arubano, Nicole Hoevertsz a keda nombra den dos comision importante di Panam Sports, cu ta e organizacion regional cu ta maneha deporte Olimpico den e region Panamericano.

E prome di e dos comisionnan cu Nicole lo forma parti di dje y lo fungi como presidente ta e comision “Comision de Deporte Seguro”, cu ta sigur un tema hopi importante como e parti di “SAFE SPORT”. E tema di deporte

sigur ta esencial pa salvaguardia e bienestar di tur hende den e mundo di deporte. COA ta reconoce e importancia di esaki, y recien a manda Betzabeth Rasmijn pa e pais di Panama p’asina participa den e capacitacion cu a ofrece pa cu “Safe Sport”, cu pronto lo inicia diferente proyecto den e ambito aki. Banda di esaki, Nicole lo ta den e comision di “Comision de Etica y Buen Gobierno” cu ta enfoca den e parti di bon gobernansa y etica, cu tambe ta puntonan clave den e plan strategico di Comite Olimpico Arubano.

